

**UPRAVNI ODBOR**

Broj: 02-38-3029-2/14

Sarajevo, 04. 09. 2014. godine

Na osnovu člana 118. stav (2) Zakona o visokom obrazovanju Kantona Sarajevo („Službene novine Kantona Sarajevo“ broj: 42/13), i člana 53. tačka Statuta Univerziteta u Sarajevu, Upravni odbor Univerziteta u Sarajevu, na svojoj 5. vanrednoj sjednici, održanoj dana 04. 09. 2014. godine donio je

ZAKLJUČAK

1. Upravni odbor Univerziteta u Sarajevu podržava stav Senata Univerziteta u Sarajevu da su osigurani uvjeti za odvijanje nastavnog i naučno-istraživačkog procesa u skladu sa ranije usvojenim Akademskim kalendarom.
2. Upravni odbor podržava stav Senata Univerziteta u Sarajevu kojim se ističe neophodnost nastavka dijaloga Vlade Kantona Sarajevo sa Univerzitetom u Sarajevu i Sindikatom Univerziteta u Sarajevu u cilju rješavanja svih problema sa kojima se Univerzitet suočava u svom radu.
3. Upravni odbor Univerziteta u Sarajevu smatra neosnovanom tvrdnju Sindikata Univerziteta u Sarajevu da nije postojao i da ne postoji dijalog Vlade Kantona Sarajevo sa Univerzitetom i Sindikatom Univerziteta u Sarajevu.
4. Upravni odbor Univerziteta u Sarajevu konstatuje da je, shodno ranijem zaključku Upravnog odbora, uplatom zaostalih tranši Univerzitetu u Sarajevu iz Budžeta Kantona Sarajevo, Univerzitet u Sarajevu u dinamici isplata izjednačen sa ostalim budžetskim korisnicima. Upravni odbor očekuje od Vlade Kantona Sarajevo da održi redovnu dinamiku isplata prema Univerzitetu u Sarajevu.
5. Upravni odbor Univerziteta u Sarajevu zadužuje sve dekane fakulteta i akademija čiji su se sindikalni predstavnici izjasnili za održavanje štrajka, da, u skladu sa svojim nadležnostima utvrde da li je osigurana zakonitost organizacije i provođenja štrajka u skladu sa m Zakonom o štrajku i Zakonom o radu FBiH, te da shodno tome u okviru zakonskih ovlaštenja preduzmu odgovarajuće mjere u skladu sa zakonom, kao i da o tome odmah, do 05. 09. 2014. godine do 12,00 sati, u pisanoj formi informišu Rektora i Upravni odbor Univerziteta u Sarajevu.
6. Upravni odbor apeluje na Sindikat Univerziteta u Sarajevu da još jednom preispita opravdanost i svrsishodnost održavanja štrajka, uzimajući u obzir činjenicu da održavanje štrajka ne treba da ugrozi nesmetano uživanje prava studenata, kao i zaposlenika fakulteta, akademija i naučnih instituta koji nemaju organizovan sindikat.
7. Upravni odbor Univerziteta u Sarajevu će, u okviru svoje nadležnosti, nastaviti aktivnosti u cilju poboljšanja pozicije i statusa Univerziteta u Sarajevu.

8. Konferencija za štampu će se održati 05. 09. 2014. godine u 14,00 sati u prostorijama Univerziteta u Sarajevu, na kojoj će prisustvovati predstavnici Upravnog odbora, Senata i Rektor Univerziteta u Sarajevu.



**PREDSJEDNIK
UPRAVNOG ODBORA**

Dr. Mevludin Mekić

Dostaviti:

- Dekanima fakulteta i akademija
- Vlada KS
- MONKS
- Predsjedniku UO
- Rektor UNSA
- Članovima UO
- U dokumentaciju
- a/a